



# g a n a C e n i

saqarTvelos saxeliT

3 აპრილი, 2020 წელი

ქალაქი ქუთაისი

ქუთაისის სააპელაციო სასამართლოს სისხლის სამართლის საქმეთა პალატის მოსამარ-თლემ **მარინე იმერლიშვილმა** ერთპიროვნულად, ზეპირი მოსმენის გარეშე განვიხილე გ----- ხ-----ის ბრალდების №----- სისხლის სამართლის საქმე.

**გ----- ხ-----ე**, დაბადებული 1-----ს, საქართველოს მოქალაქე, პირადი №-----, საშუალო განათლების მქონე, ქორწინებაში მყოფი, ნასამართლო-ბის არ მქონე, რეგისტრირებული ქ-----ში, ფაქტობრივად მცხოვრები ვ-----ში, მსჯავრდებულია სამტრედიის რაიონული სასამართლოს 2020 წლის 31 იანვრის განაჩენით დანაშაულისათვის, გათვა-ლისწინებული საქართველოს სისხლის სამართლის კოდექსის 287<sup>1</sup>-ე მუხლის პირველი ნაწილით და შეფარდებული აქვს ჯარიმა 500 (ხუთასი) ლარის ოდენობით.

## aRwerilobiTi nawili:

**გ----- ხ-----ეს** გასაჩივრებული განაჩენით მსჯავრი დაედო სახერხ საამქროში მრგვა-ლი ხე-ტყის (მორის) სახერხი დანადგარის (ტექნიკის) და მოწყობილობის მონტაჟისათ-ვის რეგისტრაციის გარეშე.

აღნიშნული გამოიხატა შემდეგში:

ვ-----ში (ძ-----ი) მცხოვრებმა გ----- ხ-----ემ, თავის საკარმიდამო ნაკვეთში, დაამონტაჟა სახერხი დანადგარი და მოწყობილობა ისე, რომ ელექტრონულად არ დაურეგისტრირებია სახერხი საამქრო ელექტრონულ სისტე-მაში შესაბამის ვებპორტალზე. გ----- ხ-----ის დაურეგისტრირებელი სახერხი საამქ-რო გამოვლენილი იქნა გარემოსდაცვითი ზედამხედველობის დეპარტამენტის დასავ-ლეთის რეგიონული სამმართველოს იმერეთის გარემოსდაცვითი პატრულირებისა და სწრაფი რეაგირების განყოფილების მუშაკების მიერ 2019 წლის 18 მარტს.

სამტრედიის რაიონული სასამართლოს 2020 წლის 31 იანვრის განაჩენი სააპელაციო წესით გაასაჩივრა პროკურორმა დ----- ვ-----მ, რომელიც სააპელაციო საჩივ-რით ითხოვს გ----- ხ-----ის მიმართ შეფარდებული სასჯელის გამკაცრებას და მის-თვის სახერხი დანადგარის უსასყიდლოდ

ჩამორთმევას სახელმწიფოს სასარგებლოდ. მოთხოვნას ასაბუთებს იმ მოტივირებით, რომ გ----- ხ-----ემ ჩაიდინა განზრახი და-ნაშაული – იგი სახერხ საამქროს ფლობდა სათანადო ნებართვისა და რეგისტრაციის გარეშე, რაც მისგან არ მოითხოვდა რაიმე სახის მატერიალურ სახსრებს ან რაიმე სხვა სახის ძალისხმევას. საკმარისი იყო მხოლოდ ელექტრონულ სისტემაში ელექტრონული რეგისტრაცია, რაც გ----- ხ-----ემ არ გაითვალისწინა. მოცემულ შემთხვევაში სახერხი დანადგარი წარმოადგენს დანაშაულის იარაღს, რაც სასამართლომ არ გაითვალისწინა და გ----- ხ-----ეს განუსაზღვრა მხოლოდ ჯარიმა, ხოლო სახერხი დანადგარი დაუბრუნა მსჯავრდებულს. გ----- ხ-----ის მიმართ შეფარდებული სასჯელი შეუსაბამოდ მსუბუქია მის მიერ ჩადენილ ქმედებასთან. აღნიშნული სასჯელი ვერ უზრუნველყოფს სასჯელის მიზნების განხორციელებას.

სააპელაციო საჩივარზე მსჯავრდებულს შესაგებელი არ წარმოუდგენია.

**samotivacio nawili:**

სააპელაციო პალატამ გააანალიზა საქმეში არსებული მტკიცებულებები, სააპელაციო საჩივრის მოტივირებანი და მოთხოვნები, მიიჩნევს, რომ პირველი ინსტანციის სასამართლოს მსჯავრდებულ გ----- ხ-----ის ქმედებისათვის მიცემული აქვს სწორი იურიდიული კვალიფიკაცია საქართველოს სისხლის სამართლის კოდექსის 287<sup>1</sup>-ე მუხლის პირველი ნაწილით.

რაც შეეხება მსჯავრდებულ გ----- ხ-----ის მიმართ დანიშნულ სასჯელს, პირველი ინსტანციის სასამართლომ სასჯელის დანიშვნისას გაითვალისწინა საქართველოს სისხლის სამართლის კოდექსის 53-ე მუხლით გათვალისწინებულ სასჯელის დანიშვნის ზოგადი საწყისები - დანაშაულის მოტივი, მიზანი, ქმედებაში გამოვლენილი მართლსაწინააღმდეგო ნება, მოვალეობათა დარღვევის ხასიათი და ზომა, ქმედების განხორციელების სახე, ხერხი და მართლსაწინააღმდეგო შედეგი, დამნაშავის წარსული ცხოვრება, ყოფაქცევა ქმედების შემდეგ; საქართველოს სისხლის სამართლის კოდექსის 39-ე მუხლით განსაზღვრულ სასჯელის მიზანი - სამართლიანობის აღდგენა, ახალი დანაშაულის თავიდან აცილება და დამნაშავის რესოციალიზაცია, აგრეთვე ის გარემოება, რომ გ----- ხ-----ემ დაადასტურა საქმეზე დადგენილი ფაქტობრივი გარემოებები, არის ხანდაზმული ასაკის და გ----- ხ-----ის მიერ ჩადენილი დანაშაულის სიმძიმის, ხასიათის და ხარისხისა და მართლსაწინააღმდეგო შედეგის გათვალისწინებით სასჯელად დაუნიშნა ჯარიმა 500 (ხუთასი) ლარის ოდენობით. სააპელაციო პალატა ეთანხმება აღნიშნულს და მიიჩნევს, რომ გ----- ხ-----ის მიმართ შეფარდებული სასჯელი სრულად შეესაბამება მის მიერ ჩადენილი დანაშაულის სიმძიმეს, ხასიათს, ხარისხს, მსჯავრდებულის პიროვნებას და არ არსებობს გასაჩივრებული განაჩენით დანიშნული სასჯელის ნაწილში მსჯავრდებულისათვის საუარესო ცვლილების შეტანის საფუძველი.

რაც შეეძება გ----- ხ-----ისათვის სახერხი დანადგარის ჩამორთმევას, სააპელაციო პალატა არ იზიარებს სააპელაციო საჩივრის მოთხოვნას აღნიშნულის თაობაზე, შემდეგ გარემოებათა გამო:

საქართველოს სისხლის სამართლის საპროცესო კოდექსის 298-ე მუხლის

მეოთხე ნაწი-ლის შესაბამისად სააპელაციო სასამართლოს უფლება აქვს, გამამართლებელი განაჩენის ნაცვლად გამამტყუნებელი განაჩენი გამოიტანოს, გამოიყენოს საქართველოს სისხლის სამართლის კოდექსის უფრო მკაცრი მუხლი, დანიშნოს უფრო მკაცრი სასჯელი ან **სხვა გზით გააუარესოს მსჯავრდებულის მდგომარეობა, თუ ბრალდების მხარემ შეიტანა სააპელაციო საჩივარი სწორედ ამ მოთხოვნით და თუ მას ასეთი პოზიცია ეკავა პირველი ინსტანციის სასამართლოში.**

საქმის მასალებით ირკვევა, რომ სახელმწიფო ბრალმდებელს პირველი ინსტანციის სა-სამართლოში საქმის განხილვისას სასამართლოს წინაშე არ დაუყენებია შუამდგომლობა სახერხი დანადგარის უსასყიდლოდ ჩამორთმევის თაობაზე სახელმწიფოს სასარგებ-ლოდ, რის გამოც სააპელაციო პალატა მიიჩნევს, რომ აღნიშნულ ნაწილში სააპელაციო საჩივრის მოთხოვნა ასევე არ უნდა დაკმაყოფილდეს.

ზემოაღნიშნულიდან გამომდინარე, სამტრედიის რაიონული სასამართლოს 2020 წლის 31 იანვრის განაჩენი გ----- ხ-----ის მიმართ უნდა დარჩეს უცვლელი, ხოლო სააპე-ლაციო საჩივარი არ უნდა დაკმაყოფილდეს უსაფუძვლობის გამო.

**sarezolucio nawili:**

სააპელაციო პალატამ იხელმძღვანელა საქართველოს სისხლის სამართლის საპროცესო კოდექსის 298-ე მუხლის პირველი ნაწილის „დ“ ქვეპუნქტით და

**d a a d g i n a :**

**გ----- ხ-----ის** ბრალდების სისხლის სამართლის საქმეზე სამტრედიის რაიონული სასამართლოს 2020 წლის 31 იანვრის განაჩენი დარჩეს უცვლელი:

გ----- ხ-----ე ცნობილი იქნეს დამნაშავედ საქართველოს სისხლის სამართლის კო-დექსის 287<sup>1</sup>-ე მუხლის პირველი ნაწილით და სასჯელის სახედ და ზომად განესაზ-ღვროს ჯარიმა 500 (ხუთასი) ლარის ოდენობით.

მსჯავრდებულ გ----- ხ-----ის მიმართ შერჩეული აღკვეთის ღონისძიება – გირაო გა-უქმებულია.

ნივთიერი მტკიცებულება – სახერხი დანადგარი და ხის მორები, რომლებიც ინახება ვ-----ში, დაუბრუნდეს გ----- ხ-----ეს, საქმეზე საბოლოო გადაწყვეტილების მიღების შემდეგ.

ნივთიერი მტკიცებულება – საქმეზე დართული ერთი დისკი (ფოტოსურათები) დარჩეს საქმეში, მისი შენახვის ვადით.

სააპელაციო საჩივარი არ დაკმაყოფილდეს.

განაჩენი შეიძლება გასაჩივრდეს საქართველოს უზენაესი სასამართლოს სისხლის სა-მართლის საქმეთა პალატაში მისი დადგენიდან 01 (ერთი) თვის ვადაში ქუთაისის საა-პელაციო სასამართლოს მეშვეობით, საკასაციო წესით.

მოსამართლე:

**marine imerliSvili**